

siorlutiglo. Unnuktullo nunat innungimit Judingorlaukput; Judit sivuranarningita tupvigilaungmagit.

KAPITEL IX.

*Judit alkkiorningit omigijimingnik, wloksiorvikartitsiningallo
piulijaunimik erkaumajauvianik.*

TAKKIT 12 ingane, tagva takkib Adarib uvlungita 13 ingane, attanniub okausingita perkojangatalo nellautsititauviane, uvlorme taipsomane Judit omigijingit nerriulauramik sâlagilugit, ablatsangolerpok Judit omigijitik sâlagijaksaringmagit.

2 Tagva Judit kattimalerput iglugaseksoarmingne, attanniub Ahasverosib nunangine illunaine, aggatik illijomavlugit tapkonunga idluitullivigijomajingitut. Kialo agviarungnarlaungilait; sivuranarningat tikkisimalaungmat innukattigéksoarnut illunainut.

3 Angajokauerôjullo nunane, angajokaksuillo, aulatsijullo nunanik, attanniublo pimaklertokotingita Judit k yvertipait, Mardachaib sivuranarningata tikkigamigit.

4 Mardachai angjolaungmat attanniub iglungane, tussaumajauningalo tussaksauiaukpok nunanut illunainut, kannok aglivalliangmat angijorormallo.

5 Taimaglo Judit omigijitik illunaita ullimârpait saviksoarmut, nakterlugillo, tokkolaitalo, pinniarvigivaillo issumamingnik omisuktut tapkoninga.

6 Susanemelo iglugaseksoarne, attanniub igloksoakarvigijangine, Judit nakterpait tokkolaitalo angutit 500 dit.

7 Parsandatalo, Dalfonelo, Aspatalo,

8 Poratalo, Adaljalô, Aridatalo,

9 Parmhastalo, Arisailo, Aridailo, Vajesatalo,

10 Hamanib Medatab erningata, Judit omigijingata erningit tellimaujortut; perkutinginulle aggatik illilaungilait.

11 Uvlorme taipsomane tokkotaumajut iglugaseksoarne Susaneme unnurungit pivut attanniub sâganut.

12 Attannerlo aipaminut Esteremut okarpok: Judit iglugaseksoarne Susaneme angutit 500 dit Hamaniblo erningit tellimaujortut nakterlugillo tokkolaukpait; kannok piinniaralloarkat attanniub nunangine assingine? Sunamiglo tuksiarkit? tunmitsiviojuksauvotit tamattominga. Sunalo tussugiviuk sulle? taimailertuksauvok.

13 Estere okarpok: Attannermut namagijaukpat, tagva Judit kaupattauk Susaneme pinniarlit perkojak uvlomênitak